

Patué de Trétorein

Fau parti à tein

On kou Isac é Ernest l'an volu alla fairé na tornaye, inau pé dessu-chon.

L'an vesitau lou lamon, yau lou cafon l'aran lodga dein na tanna, é veniavan tui baré dein le mémo hui eu kou dé Korné deu berdgié.

Per cé, per lé, su dé bé dé cé, bayavé de lé, takié un tzan.

Ka l'an preu zu avesau é roudan, le tein se passave, e laré le moméin de yeu verié bà Kontré chon prendré le déra-trin po tiorna vé l'otau.

Isac pa tan prèssé, maï Ernest alondziévé son pa. Isac desavé, mé i Pôraïre é na montra, fau pa tein fairé. Son preu arévau à l'eura à Thon, mé Isac la volu baré on varo, avné on Moncheu ke kognésavé, peindein cé tein, le déra trin la felau.

Isac, ka cein né adenau fasavé lou sâ é lou voué asse gran ka le trin. Ernest volavé dreméin à chon, mé Isac laré pa d'aka.

Se s'on intervo à la gara, se layavé onco on trin, yeu ran de ke passavé on trin de fruite k'allavé tan ka Cein-Moëri.

Se s'on einbarkau intié dessu é le trin s'arré-tavé pé teté lé garé po tzergié de la fruite.

Laré trézeuré deu matin ka s'on arrevau bà. Ci kou, Isac preu démerda, la itau dessondzié, on ke lavé n'oto po lou mena arriva.

Lé le ka de dré, fau parti à tein.